

## **Madi a Kriste a re boelanya le Modimo**

**Thero mo Lefitiko 7:27**

*Palo ya Beibele: Lefitiko 7:22-27*

*Temanathero: Lefitiko 7:27*

### **Tabataba: Madi a Kriste a re boelanya le Modimo**

Mo dibekeng tše fetilego re be re bolela ka mehuta ya dihlabelo tšeo re balago ka tšona mo Lefitiko. Re thomile ka sehlabelo sa go fišwa, sehlabelo sa mathomo se be se tlišwa ka mehla mo tempeleng, se laetša maikemišetšo a batho ba Modimo, se laetša go tšwela pele ka thapelo. Gomme ra lebelela sehlabelo se korone, seo se bego se tlišwa ke modumedi ka karolo ya masemo a gagwe, a leboga Modimo gomme a dumela gore se sengwe le se sengwe se tšwa go Modimo.

Gomme ra lebelela sehlabelo sa kopanelo go leboga Modimo ka mpho goba go ka phethagatša maikano.

Gomme re lebeletše sehlabelo sa dibe, seo se bolelago ka dibe tšeo e sego tša boomo. Le dibe tšeo e sego tša boomo, tšeo di sa tlogo, go se hlweke, le bolwetši di be di swanetše go ka direlwa sehlabelo.

Gomme ra lebelela sehlabelo sa seloba. Re bone gore sehlabelo sa seloba se be se lebeletše – batho ba bangwe – le go tloša dibe tša ka boomo. Ke boletše mohlala mo Mariah a utswitšego cellphone ya Refilwe. Empa ka morago ga letšatši goba a mabedi o ipone phošo ka seo, gomme a busetša cellphone ya Refilwe. Ka tsela e sehlabelo sa seloba se be se laetswe ka mokgwa o.

Go akaretša, ka moka re boletše ka mehuta ye mehlano ya dihlabelo, se sengwe le se sengwe se lebeletše mokgwa wa sona. Gomme re bone gore mo dihlabelong tše madi a tšwelela. Madi a diphoofolo Modimo o be a tšea bjalo ka lebaka ya nakonyana. Madi a diphoofolo a be a khupetša dibe. Gomme bjalo ka ge re bone, Modimo o be a sa široge sebe goba le tšeo di sa tlogo. Le ge motho a dirile sebe e se ka maikemišetšo ka lebaka leo sehlabelo se be se swanetše go ka tlišwa. Le ge motho a babja o be a swanetše go tliša – le ka morago ga pholo – sehlabelo. Gobane, go lebelela ka lehlakoreng la Modimo, e be e se phošo ya Modimo ge batho a babja. Modimo o bopile motho e le o botse, gomme a itekanetše. A filwe go ka phela go ya go ile go se na bolwetši. Bjale re a bona ga go molato o tee, go thubega, goba bolwetši bjo bo lebalwago. Ka lebaka leo re bitšago Beibele (go akaretša Lefitiko) puku yeo e lokilego. Se sengwe le se sengwe seo e lego phošo mahlong a Modimo, se be se swanetše go khupetšwa ka madi. Gomme bjale ka ge re tseba go tšwa Beibeleng, se se tšwetše pele go fihlela Messiah a etla, go fihlela madi a Jesu a tšhollwa mo sefapanong. Mo sehlabelong sa gagwe mo sefapanong, Jesu o phethagaditše dihlabelo tša Lefitiko. Madi a gagwe e be e se fela go khupetša a nakonyana. Madi a gagwe a tlišitše go sefele ga kopano magareng ga rena le Modimo. Ka tsela e re ka re Jesu o bile sehlabelo sa go fišwa. O bile sehlabelo sa dibe. O bile sehlabelo sa seloba. O bile se sengwe le se sengwe magareng ga rena! Go loka ga Modimo go phethagaditšwe mo sefapanong. Bjalo ka ge Beibele e bolela: O bile moloki wa rena. Ka tsela e re bona kgaugelo ya Modimo. Gobane Modimo o kgethile go tsošološwa go loka le toka ya gagwe, ka nnete ka sehlabelo sa Morwa moratwa wa gagwe. Se e be e le bogato bjo bogolo, bjo bo makatšago bja Modimo! Ka tsela e re bona kgaugela ya go sefele le lerato la gagwe mo go rena!

Go akaretša: se se ra gore madi a Kriste, ao a tšhollotšwego mo sefapanong, a na le boteng mo historing ya lefase. Madi a gagwe a tloša makgopo a rena a fetilego gomme a tliša bokamoso bjo botse. Madi a gagwe a eletše – se se ra gore bophelo bja gagwe bo ile bja tšewa. Gobane se ke se se diregago ge madi a motho a elela – o hweditše kotlo mo sefapanong bogatong ga rena. Lebaka la gore a hwetše kotlo ye, ga se lebaka la gore e be e le senokwane. Go ya boteng! O be a beilwe magatong. Ka lebaka leo se se ra gore ka moka ga rena re be re swanetše ke kotlo ya lehu go tšwa go Modimo. Empa Modimo o re laeditše kgaugelo. O kgethile go otlala Morwa moratwa wa

gagwe ka kotlo ya lehu. Katikasema Heidelberg e akaretša ntlha ye gabotse e bile ka botlalo ka mantšu a:

*Potšišo ya 12: Re ka phološwa bjang kotlong ye le go humana kgaugelo gape na?*

*Karabo: Modimo o nyaka gore toko ya gagwe e phethagale. Ka lebaka leo re swanetše go phetha se se laelwago ke toko ya gagwe, goba re se phethelwe ke e mongwe.*

*Potšišo ya 13: Re ka se kgone go itefella naa?*

*Karabo: Aowa, re ka se kgone. Se re se dirago ke go atiša melato ya rena ka letšatši le lengwe le le lengwe.*

*Potšišo ya 14: Ga go na sebopiwa se sengwe se se kago re lefella melato ya rena?*

*Karabo: Aowa, Modimo ga a rate go otlala sebopiwa se sengwe ka lebaka la molato wa motho. Go feta mo, ga go na sebopiwa seo se ka rwalago bogale bja Modimo bakeng sa sebe.*

*Potšišo ya 15-17: Ge go le bjalo, re hloka mpholosi o mobjang?*

*Go nyakega gore re humane Mophološi yo e lego motho wa nnete le Modimo wa nnete. Go nyakega gore mophološi wa nnete e be motho, ka gobane yo a dirilego sebe, ke motho. Ka lebaka leo sebe se swanetše go lefelwa ke motho. Go nyakega gore Mophološi wa nnete e be Modimo, gore ka maatla a bomodimo bja gagwe a tle a kgone go rwala boima bja bogale bja Modimo.*

*Potšišo ya 18: Mmoelanyi yoo e lego motho wa nnete le Modimo wa nnete, ke mang?*

*Karabo: Ke Morena wa rena Jesu Kriste.*

*Potšišo ya 19: Taba yeo, o e tseba bjang?*

*Ka ebangedi e kgethwa ya Modimo, yeo a thomilego go e utolla Paradeising. Ka morago a e kwatša ka baporofeta, a e swantsha ka dihlabele le ka melao ya kgwerano ya kgale. Mafelelong a e phethagatša ka Morwa wa gagwe Jesu Kriste. (Sontaga sa 5 & 6)*

Ka bonyenyane tharollo ya kotlo ya Kriste. Madi a gagwe a tšhollotšwe. Ye e be e le tsela ya poelanyo. Ka madi a Kriste go na le bokamoso mo go rena. Ge re bapetša se le ka tsela eo bantle ba bego ba šomiša madi, re bona phapang e kgolo! Re bala mo Lefitiko 7:27: Mang le mang yo a nwago madi, motho yo o swanetše ke go kgaolwa mo setlhabeng sa gabo. Gobaneng Modimo a be a ganetša se? Gobaneng balsiraele, ge ba tliša sehlabelo, ba swanetše go tšholla madi? Re ka hlaologanya se fela ge re lebeletše ka mokgwa o bantle ba bego ba dira ka gona. Ba be ba tliša phapolo ye e lekanago le madi. Gomme ba tliša: bophelo bja motho, goba phoofolo, bo mo mading a gagwe. Ge o enwa madi a motho yo mongwe, goba a phoofolo, o tllile go humana maatla mo bophelong bja motho, goba phoofolo mo mmeleng wa gago! Bantle ba be ba nagana gore maatla a medingwana a be a legona ka gare ga madi a diphoofolo tše dingwe. Gomme ba ipotša gape gore – go nwa madi a diphoofolo tšeo – gwa kgonega go ka hwetša maatla mo meleng wa gago!

Go bohlokwa gore re humana kganetšo ya go nwa madi a diphoofolo gape mo Lefitiko 19:26, mo boteng go lebeletšwe phapolo le boloi. Go akaretša: ditsela tša bantle Modimo o di lekotše gareng ga batho ba gagwe. O šireleditše batho ba gagwe kgahlanong le tšona, ka go tliša ditaelo ka moka tšeo re di humanago mo molaong wa Moshe. Go bolela nnete: madi a batho, goba diphoofolo, a ka se go tlišetše bokamoso. Go ja goba go nwa madi o ka se humane maatla a magolo, goba ka tsela engwe ya phapolo. Re ka oketša lehono: e sego le ka dihlabele tšeo di tlišwago matšatšing a lehono. O ka se humane maatla goba boitekanelo go tšwa meetseng a rapeletšwego goba se sengwe.

Ke selo se tee fela seo se ka širiletšago bokamoso bja gago, seo se tlišago tšwelopele le lethabo, selo se tee seo se tlišago hlokomelo mo bophelong le lehung: gomme seo ke madi a Jesu Kriste.

Se se ra gore: ga go phapolo, empa go hlatšwiwa ke Modimo. Ka madi a Jesu Kriste re humana go loka pele ga Modimo. Madi a Kriste a re boelanya le Modimo. Ka hlago re badiradibe re manaba a Modimo. Re bile kgahlanong le yena. Empa ka Jesu re ithuta go obamela Modimo. Ka melao ya Modimo, yeo e lego mahebetšwake ka Moya o Mokgethwa, re ithuta gape go phela bophelo bjo bokgethwa le bjo boitekanelo. Ye ka yona tsela ya bokamoso. Seo ke seo re yago go se keteka mo Pasekeng ye e tlogo, letšatši leo Jesu Kriste a ilego a bapolwa ka baka la rena.

Amene.